



Republika e Kosovës / Republic of Kosovo
Komuna - Municipality
Hani i Elezit



01/Nr./CS47/2023
Data: 19.12.2023

PROCESVERBAL I KUVENDIT TË KOMUNËS

Procesverbali nga mbledhja e njëmbëdhjetë -XI- e Kuvendit të Komunës, mbajtur me datë 30.11.2023 me fillim pune në ora 11:00 në sallën e Kuvendit të Komunës. Të pranishëm ishin: **Mehmet Ballazhi** (Kryetar i Komunës), **Kimete Kuka -Hasallari** (Drejtoreshë për Shëndetësi dhe Mirëqenie Sociale), **Nexhmedin Daci** (Drejtor për Urbanizëm Kadastër dhe Mbrojtje të Mjedisit), **Lindita Ballazhi** (Drejtoreshë për Buxhet dhe Financa), **Hisni Luri** (Drejtor për Arsim, Kulturë, Rini dhe Sport), **Arsim Dernjani** (Drejtor për Shërbime Publike dhe Emergjencë), **Abduraman Bushi** (Drejtor për Bujqësi, Pylltari dhe Zhvillim Rural), **Sara Berisha** (Asistente e Kryesuesit të Kuvendit të Komunës), **Amir Bushi** (Udhëheqës i Qendrës për Punë Sociale), **Bashkim Sopa** (Zyrtarë për Informim), **Rezart Mehmeti** (Përfaqësues i OSB-së), Kryesuesi pasi konstatoi prezencën e anëtarëve të kuvendit, konstatoi se nuk mungon asnjë anëtarë i Kuvendit të Komunës.

RENDI I PUNËS

1. Miratimi i procesverbalit nga mbledhja e kaluar.
2. Raporti mbi vlerësimin e përgjithshëm për pronat komerciale.
3. Draft Plani i Veprimit për Parandalimin e Dhunës në Familje 2024-2026.
4. Draft Plani i Punës së Ekipës për Mbrojtjen e të Drejtave të fëmijëve 2024-2026.
5. Informatë mbi gjendjen në shëndetësi.
6. Të ndryshme.

Kryesuesi thekson:- përveç pikave të rendit të punës të cilat ua kemi përcjellë kemi edhe dy materiale shtesë që na i ka përcjell ekzekutivi i komunës propozim vendimin për fillimin e hartimit të planit lokal të veprimit për cilësi të ajrit propozim vendimi për faljen e faturave të tatimit në pronë për vitin 2023 deri në shumën prej 100 euro, për pikat e rendit të punës hapi diskutimin, nëse nuk ka e hedh në votim; rezultati i votimit ishte njëzëri.

U MIRATUA RENDI I PUNËS

Procedojmë me këtë rend të punës:

1. Miratimi i procesverbalit nga mbledhja e kaluar.
2. Raporti mbi vlerësimin e përgjithshëm për pronat komerciale.
3. Draft Plani i Veprimit për Parandalimin e Dhunës në Familje 2024-2026.
4. Draft Plani i Punës së Ekipës për Mbrojtjen e të Drejtave të fëmijëve 2024-2026.
5. Informatë mbi gjendjen në shëndetësi.
6. Propozim vendimin për fillimin e hartimit të planit lokal të veprimit për cilësi të ajrit.
7. Propozim vendimi për faljen e faturave të tatimit në pronë për vitin 2023 deri në shumën prej 100 euro.
8. Të ndryshme.

1. Miratimi i procesverbalit nga mbledhja e kaluar.

Kryesuesi thekson:- a keni ndonjë vërejtje rreth procesverbalit, nëse nuk ka e hedh në votim; rezultati i votimit ishte njëzëri.

U MIRATUAR PROCESVERBALI NGA MBLEDHJA E KALUAR

2. Raporti mbi vlerësimin e përgjithshëm për pronat komerciale.

Kryesuesi thekson:- për këtë pikë të rendit të punës hapi diskutimin.

Lindita Ballazhi thekson:- departamenti i tatimit në pronë në Ministrinë e Financave dhe Transfereve ka bërë vlerësimin e pronave në kategorinë e pronave komerciale në tokë dhe në objekte si dhe janë përcaktuar zonat e vlerave dhe nivelet e vlerave të pronave të paluajtshme brenda territorit të Komunës. Departamenti është bazuar në kontratat e shitblerjeve që ka të bëjë me shitblerjen e tokave apo të objekteve me vullnet të lirë të të dya palëve, gjithashtu janë bazuar edhe te anketa me qytetarë opinione dhe sugjerime nga zyrtarët komunal dhe të bankave. Në material e keni raportin e detajuar.

Hyriete Isufi thekson:- këto vijën të gatshme prej nivelit qendrorë dhe nuk kemi diçka se çka të shtojmë.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

U MIRATUAR VENDIM PËR CAKTIMIN E NORMAVE TATIMORE TË TATIMIT PËR PRONAT KOMERCIALE NË KOMUNËN E HANIT TË ELEZIT PËR VITIN 2024

3. Draft Plani i Veprimit për Parandalimin e Dhunës në Familje 2024-2026.

Kryesuesi thekson:- për këtë pikë të rendit të punës hapi diskutimin.

Kimete Kuka –Hasallari thekson:- është dokument i rëndësishëm për komunën tonë sepse çdo ditë dhuna po rritet në nivel nacional dhe në nivel global. Falënderojmë përfaqësuesit e OSB-së të cilët kanë kontribuar në hartimin e këtij draft plani që fokusi kryesorë ka qenë në parandalimin e këtyre dukurive.

Sherif Berisha thekson:- ky plan po besoj që është bërë nga personat përgjegjës dhe profesional dhe është me rëndësi që kontakte se ku duhet të drejtohet një viktimitë e dhunës në familje të arrijë në secilën shtëpi dhe në secilën familje. Ky mekanizëm duhet gjetur metoda për njoftim të qytetarëve se cilave institucione të ju drejtohet dhe kjo besoj që është shumë me rëndësi, ndonëse ky plan nuk do të mbetet vetëm në letër. Sa i përket objektivave specifike të cilat i keni paraqitur të implementohen në praktikë dhe të punohet në parandalimin e dhunës në familje dhe në ngritjen e vetëdijes qytetare se dhuna në familje nuk duhet të ndodhë në asnjë rrethanë. Po ashtu keni paraqitur rastet e dhunës në familje të raportuara për tri vite po ashtu keni potencuar se shifrat janë edhe më të mëdha por nuk janë paraqitur në raport. Ne duhet të punojmë që ti inkurajojmë qytetarët që rastet e dhunës në familje që të raportohen në organet përgjegjëse. Në këtë plan të veprimit keni paraqitur një kosto buxhetore nga viti 2024-2026 në shumë prej 2550 € por nuk e di a është paraparë në buxhet kjo shumë e mjeteve financiare.

Hyriete Isufi thekson:- a keni pasur më herët plan veprimi për parandalimin e dhunës në familje.

Amir Bushi thekson:- plan strategjik nacional ka pasur ndërsa komuna nuk ka pasur plan të veprimit.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

U MIRATUA PLANI I VEPRIMIT PËR PARANDALIMIN E DHUNËS NË FAMILJE 2024-2026

4. Draft Plani i Punës së Ekipës për Mbrojtjen e të Drejtave të fëmijëve 2024-2026

Kryesuesi thekson:- për këtë pikë të rendit të punës hapi diskutimin.

Kimete Kuka –Hasallari thekson:- Ministria përkatëse na e ka obliguar që ta themelojmë një ekip për mbrojtjen e të drejtave të fëmijëve dhe po ashtu na kanë obliguar që të kemi planin e veprimit për dy vitet e ardhshme. Në plan janë të parapara objektivat që do të realizohen përmes drejtorisë për shëndetësi dhe mirëqenie sociale dhe të gjithë akterëve që janë pjesëmarrës në këtë plan.

Sherif Berisha thekson:- ky plan kërkojmë që të implementohet në praktikë por edhe ky plan ka kosto buxhetore por nuk kam informacion se a është përfshirë në vitin 2024.

Amir Bushi thekson:- ky plan është bërë në harmonizim me projektet kapitale të cilat do të realizohen në tri vitet e ardhshme.

Lindita Ballazhi thekson:- çdo aktivitet që është në kuadër të dy planeve janë disa burime të financimit si të hyra të komunës dhe nga grandet qeveritare dhe është lënë edhe një hapësirë prej organizatave dhe donatorëve të ndryshëm.

Sherif Berisha thekson:- është e paqartë se nuk ka specifikim të drejtë për drejtë për këtë kategori është dashur të specifikohet shuma.

Amir Bushi thekson:- gjatë hartimit të këtij plani janë paraparë shuma në rregullim të kanalizimeve, ujësjellësit dhe ajo shifër është në të mirë të qytetarëve. Plani ka për qëllim që me i nxitur drejtorët komunal që me nxitë komunën për me i kryer obligimet e veta. Në kuadër të këtij plani drejtoritë përkatëse obligohen me i realizuar projektet që i mungojnë komunës së Hanit të Elezit.

Hyrijete Isufi thekson:- në plan janë paraprirë të drejtat e fëmijëve për shkollim por dihet që shkolla fillore është e obligueshme dhe jemi të vetëdijshëm që u japim mundësinë edhe për shkollim të mesëm por çdo e drejtë që e fiton i ka edhe përgjegjësitë e veta dhe nuk është përgjegjës sepse vjen në shkollë dhe nuk e mbanë asnjë orë pastaj potencon se e dua shkollën dhe duke ju dhënë të drejta po na humbin do sjellje të mirëfillta.

Amir Bushi thekson:- në kuadër të vetëdijesimit duhet me pasur parasysh evokimin dhe vetëdijesimin dhe në kuadër tyre ligjërimi nuk duhet të jetë vetëm për fëmijët sepse e kuptojnë se kanë të drejtë për shkak se nëse potencojmë një të drejtë, i ka dhjetë deri në pesëmbëdhjetë përgjegjësi mbrapa dhe për atë arsye duhet të jemi të përgatitur që kur të bëhet ky evokim të jenë persona profesional që me i vetëdijësuar fëmijët dhe të rinjtë në këtë rast.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

U MIRATUA PLANI I PUNËS SË EKIPËS PËR MBROJTJEN E TË DREJTAVE TË FËMIJËVE 2024-2026

5. Informatë mbi gjendjen në shëndetësi.

Kryesuesi thekson:- për këtë pikë të rendit të punës hapi diskutimin.

Kimete Kuka –Hasallari thekson:- Drejtoria e Shëndetësisë dhe Mirëqenies Sociale është përgjegjëse për performancën në Qendrën Kryesore të Mjekësisë Familjare “ Dr.Menduh Kaloshi” Qendrën Për Punë Sociale. Aktivitetet gjatë muajit Janar-Tetor në kuadër të DSHMS-së, Më 31.01.2023 kemi pranuar donacion nga kompania Ipko: aparaturë Ultrazë me vlerë 12,000€. Rregullimin e disa filterave të ngrohjes në QKMF. Kam përcjell në Ministrinë e Financave dhe në Ministrinë e Shëndetësisë kërkesën për shtim të stafit në QKMF. Rregullimin dhe riparimin e rrjetit elektrik në objektin e QKMF-së. Ndërrimin e sanitarisë në QKMF. Janë dhuruar 100 pako ushqimore familjeve në nevojë nga Arabia Saudite në bashkëpunim me organizatën Bereqeti. Janë dhuruar 300 pako ushqimore për familjet në nevojë nga organizata Qatar Charity. Me 20.04.2023 kemi bërë pranimin e donacionit nga kontingjenti i KFOR-it Italian të paneleve solare 12 kë për kursim të energjisë elektrike në QKMF. Përmes CARITAS-it kemi kontraktuar për shërbime shëndetësore, katër infermier dhe një mjekë i përgjithshëm. Nga data 05.07.2023 kemi bërë dezinfektimin dhe deratizimin e gjitha institucioneve publike në komunën tonë me përjashtim të institucioneve shkollore ku do të realizohet në fund të muajit gushtë. Kemi rishpallur procedurat e projektit “Ndërtimi i depos në QKMF”. SHARRCEM ka mbështetur edhe për gjashtë muaj stomatologun dhe infermieren. Më 02.06.2023 kemi mbajtur aktivitetin e dhurimit të gjakut, rreth 133 dhurues. Më 27.06.2023 organizata Humany First Kosova kanë dhuruar 60 pako me produkte të mishit për 60 familje në nevojë. Më 29.06.2023 nga organizata Qatar Cherity janë shpërndarë 100 pako me mish për familjet në nevojë. Është bërë dezinfektimi i gjitha hapësirave në Komunën e Hanit të Elezit në tri faza. Kemi nënshkruar marrëveshjen me Islamik Relief për mbështetjen me staf. Është bërë pastrimi i gjitha hapësirave në QKMF. Kanë filluar punimet e depos së QKMFS-së. Janë mbajtur aktivitete të shumta gjatë muajit Rozë për ndërgjegjësimin e sëmundjes së Kancerit të gjirit si: ekskursion një ditë me gratë e prekura me kancer të gjirit, ligjëratë në disa fshatra dhe marrëveshjen me Spitalin Rajonal të Ferizajt të mamografisë për 20 gra të komunës sonë.

Zaim Bela thekson:- procedurat me Islamik Reliefin për rekrutim të stafit ku kanë mbërri për shkak se dëgjova se një ditë i ka dërguar me veturë private dikush pacientët e dializës. Kërkoj sqarim për këtë çështje.

Kimete Kuka –Hasallari thekson:- sa i përket anës së komunës si drejtori i kemi përmbushur obligimet duke siguruar veturën dhe derivatet, ndërsa përgjegjësia e organizimit është direkt te drejtori i Qendrës së mjekësisë familjare dhe punëtori i cili është vozitës dhe nga kjo pa përgjegjësi kemi pasur një shqetësim javën e kaluar dhe kam kërkuar nga drejtori që të merren masa për shkak se ka ndodhur që shpesh kemi pasur problematika të tilla. Me shoqatën Relief Islamik kemi kërkuar që të kemi një shoferë i cili do të jetë i dedikuar vetëm për këtë kategori të pacientëve. Procedurat e rekrutimit të stafit janë në fazë përfundimtare sepse janë duke i pritur afatet për shkak rregullave të cilat i kanë.

Sherif Berisha thekson:- furnizimi i rregullt me barna mjekësore nga lista esenciale nga Ministria e Shëndetësisë, ka ankesa të shumta të qytetarëve sa i përket barnave nga lista esenciale, mirëpo drejtoria ka një shumë të mjeteve prej dhjetë mijë euro dhe pse ka mungesë të barnave pasi që e keni këtë shumë. Planifikimi i rritjes së numrit për vizitat shtëpiake për nënat dhe fëmijët zero deri në tri vite si planifikohet të bëhet. Më intereson të dijë numrin e saktë të mjekëve në QKMF për shkak se na e dimë që dy mjekë janë larguar. Për çështjen e rëntgenit i njëjti person jep përsëri kujdestari.

Kimete Kuka –Hasallari thekson:- sa i përket furnizimit me barna e dimë që ministria na i bien listën e mangët të barnave esenciale dhe pikërisht për këtë arsye e kemi kontratën e veçantë me kompaninë private dhe fatkeqësisht që ka skaduar kontrata e kompanisë dhe ka marr kohë procedura deri sa kemi lidhur kontratë me kompaninë tjetër dhe po besoj që nga fillimi i muajit furnizimi do të jetë i kënaqshëm. Organizimin e punëve atje e bënë pikërisht drejtori dhe unë nuk mundë të jem prezentë në çdo kohë atje për menaxhimin e punëve të cilat janë në përgjegjësi të vetë stafit menaxhus në QKMF. Sa i përket planifikimit të vizitave për nënat dhe fëmijët e kemi një program që është i implementuar në komunën tonë që zakonisht pas lindjeve dhe gjatë shtatëzanis bëhet së paku dy herë në vit për nënat dhe fëmijët , mirëpo numri i vizitave ka pasur rënie në krahasim me vitin e kaluar për shkak të rënies së numrit të lindjeve . Stafi mjekësorë nuk është i njëjtë sikur me numrin siç e kemi paraqitur në tabelë, mirëpo informata është për muajin janar tetor por mungesën e mjekëve e kemi në muajin nëntor.

Kryesuesi thekson:- është e vërtetë që punët në QKMF i menaxhon drejtori por ju jeni mbi drejtorin dhe shqetësimet e asamblistëve që bëhen vazhdimisht si drejtoresh duhet ta ngriti këtë çështje dhe të merrni masa e jo i njëjti problem me u diskutuar në çdo mbledhje të kuvendit.

Resul Suma thekson:- e pashë që është hapur konkursi edhe me Ministri për një infermierë, a janë zhvilluar procedurat. Ultrazëri i cili është në QKMF a e përdorë ndonjë kush. Mjeku që e ka lënë e di që ka pasur me u financuar prej komunës edhe për specializim çka ndodhë me mjetet financiare që janë të planifikuara.

Kimete Kuka –Hasallari thekson:- konkursi është për një infermierë, dy pozita të mjekut dhe pozita e drejtorit. Sa i përket ultrazërit mjekët të cilët e kanë përdorur atë pajisje nuk janë më dhe shpresojmë që me rritje të stafit të japim praktika edhe të mjekëve të rijë që ta kryejnë këtë shërbim. Për çështje të rëntgenit jam konsultuar me drejtorin dhe nuk besoj që do të përsëritet më për shkak se kemi infermierë të mjaftueshëm. Me shkëputjen e kontratës me komunën tonë i shkëputet e drejta për specializim dhe mjetet barten në komunën tonë dhe nuk mundem me u zëvendësuar me ndonjë person tjetër për specializim.

Refet Kalisi thekson:- kërkoj sqarim për çështjen e filterëve për ngrohje. Dezinfektimi a ka qenë prej komunës si tenderë apo ka qenë donacion.

Malik Berisha thekson:- pasi që do ti kemi dy mjekë përmes Islamik Reliefit a do të ketë mundësi që në AMF-në e fshatit Gorancë që mjeku të jetë dy herë në javë.

Kimete Kuka –Hasallari thekson:- me filterët e ngrohjes kemi pasur probleme kur është ndërprerë rryma elektrike dhe e kemi ftuar kompaninë që ta shoh se ku është problemi dhe kompania na sugjeron që të i ndërrojmë disa filterë në mënyrë që mos me pasur probleme gjatë nxehjes . Dezinfektimi dhe dezinfektimi ka qenë procedurë që e kam zhvilluar përmes drejtorisë së shëndetësisë që realisht është obligim ligjorë me u bërë dhe kompanitë përzgjidhen përmes zyrës së prokurimit. Me shtimin e stafit besoj që do të ketë mjekë dy herë në javë por ndoshta edhe më shumë .

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka kalojmë në pikën e radhës të paraparë sipas agjendës.

6. Propozim vendimin për fillimin e hartimit të planit lokal të veprimit për cilësi të ajrit.

Kryesuesi thekson:- për këtë pikë të rendit të punës hapi diskutimin.

Nexhmedin Daci thekson:- sipas legjislacionit në fuqi të gjitha komunat janë të obliguara që ta hartojnë planin për cilësi të ajrit që përmes objektivave të qarta dhe gjithë përfshirëse të ndikojnë në përmirësimin e cilësisë së ajrit në territorin e komunës respektivisht parandalimin e ndotjes së ajrit.

Refet Kalisi thekson:- a janë ndarë mjetet financiare për vitin 2024 për këtë plan.

Nexhmedin Daci thekson:- mallra dhe shpenzime kemi shumë prej njëzet mijë euro por nuk ka kosto të lartë plani.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

U MIRATUA PROPOZIM VENDIMI PËR FILLIMIN E HARTIMIT TË PLANIT LOKAL TË VEPRIMET PËR CILËSIN TË AJRIT

7. Propozim vendimi për faljen e faturave të tatimit në pronë për vitin 2023 deri në shumë prej 100 euro.

Kryesuesi thekson:- para se të procedojmë më tutje me këtë pikë të rendit të punës, kërkoj një pauzë prej dhjetë minuta me shefat e grupeve parlamentare dhe drejtoreshën e financave në mënyrë që të konsultohemi për këtë pikë të rendit të punës. Pas konsultës të cilën e patëm me shefat e grupeve parlamentare fjalën ja jap Drejtoreshës për Financa.

Lindita Ballazhi thekson:- nga departamenti i tatimit në pronë i Ministrisë së Financave jemi njoftuar për vendimin e Gjykatës Kushtetuese e cila ka vendosur që dispozita shuma për faljen e mjeteve financiare të faturave të tatimit në pronë deri në 100 € është në përputhje me Kushtetutën e Republikës së Kosovës. Sipas vendimit të gjykatës komunave nuk ju cenohen përgjegjësitë komunale. Nëse merret vendimi për faljen e tatimit në pronë do t'i ketë disa pasoja sepse në bazë të disa llogaritjeve të cilat i kemi bërë humbja që do ta pësojmë është shuma rreth 163 000 €, kjo shumë mund të mos jetë e saktë pasi që kalkulimet e sakta duhet të bëhen nga departamenti i tatimit në pronë. Te falja e tatimit në pronë për vitin 2023 nuk e dimë se a përfshihet edhe kamata por kjo do të varet prej departamentit të tatimit në pronë.

Refet Kalisi thekson:- a merret për bazë viti 2023 për ata qytetarë të cilët nuk e kanë paguar apo u falet qytetarëve që me vite nuk kanë paguar.

Sherif Berisha thekson:- drejtoresha nuk e shpjegoi shumë tavan prej njëqind euro dhe pjesën tjetër që kushdo që ka më shumë se njëqind euro do të falen faturat deri në njëqind euro dhe ata të cilët kanë paguar vitin e ardhshëm u falet tatimi në pronë.

Resul Suma thekson:- është mirë të shënohet në vendim çmimi tavan deri në njëqind euro.

Mehmet Ballazhi thekson:- ju e dini që në seancën e Kuvendit kur kemi diskutuar për këtë çështje kam potencuar që duhet ta presim vendimin e Gjykatës Kushtetuese dhe vendimi është ardhur dhe ka një afat pesëmbëdhjetë ditorë kur ne duhet të marrim vendim në Kuvend po veç nuk e kemi detyrim për me falur por kemi shprehur vullnet për me i mbajtur edhe fjalët e mia që i kam dhënë këtu që pas vendimit të gjykatës ne mund ta diskutojmë këtë çështje. Çmimi tavan është deri në njëqind euro dhe nëse nuk është cekur në propozim vendim mund të përmirësohet sepse mund të jetë lëshim teknik. Deri njëqind euro janë falje e këtij viti 2023 dhe ata të cilët kanë paguar minusohen në vitin 2024. Çështjen e kamatës nuk e dimë por sipas mendimit tim nuk besoj që hiqet për shkak se obligim e ka secili me paguar tatimin. Shumica e komunave ndoshta nuk do ta kalojnë në kuvend se implikimi buxhetorë është shumë më i madh se te na dhe na tu e pasur vullnetin gjithë kemi ardhur me një propozim vendim për faljen deri në njëqind euro por përsëri do të jetë në dorën e juaj se a do ta falni apo nuk do ta falni se këto janë çështje tona dhe mos u bazoni në asnjë komunë se as unë nuk jam bazuar.

Lindita Ballazhi thekson:-vendimi vlen për të gjithë qytetarët si për ato të cilët nuk kanë paguar me vite të tëra si dhe për tatim paguesit e rregullt. Nëse miratohet propozim vendimi tatimi do të falet vetëm për vitin 2023 deri në vlerën prej njëqind euro.

Kryesuesi thekson:- kjo çështje është diskutuar edhe më herët por nuk kemi qenë të sigurt se a është në rregull me legjislacionin në fuqi. Ka qenë premtim edhe i Kryetarit të Komunës i cili është pro këtij vendimi për faljen e tatimit ndaj qytetarëve duke u bazuar në vendimin e Gjykatës Kushtetuese. Me shefat e grupeve parlamentare u dakorduar pro këtij propozim vendimi. A keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

U MIRATUA PROPOZIM VENDIMI PËR FALJEN E FATURAVE TË TATIMIT NË PRONË PËR VITIN 2023 DERI NË SHUMËN PRE NJËQIND EURO

6. Të ndryshme.

Kryesuesi thekson:- për këtë pikë të rendit të punës hapi diskutimin.

Refet Kalisi thekson:- kërkoj sqarim për çështjen e faturimit e çështjes së ujit.

Mehmet Ballazhi thekson:- e kam diskutuar çështje por e para ka qenë çështja e sigurimit të gjeneratorit, ndërsa çështja e faturimit varet prej atyre kur ata janë të gatshëm për me faturuar. Nëse nuk gabojë janë afër një qind orë pa u vendosur të ujëmatësve por është politikë e kompanisë “Bifurkacioni” se kur fillon inkasimin për shkak se ata i kanë politikat e tyre.

Sherif Berisha thekson:- kush do të merret me blerjen e gjeneratorit për shkak se nëse ndalet rryma po mbesim pa ujë. Me leje të kujt janë bërë ndryshimet e stafit në buxhetin për vitin 2024 dhe futja e projekteve të shëndetësisë dhe drejtorisë së kulturës. I drejtohem z.Sadik Rexhallari që ta bëjë publike listën e donatorëve për blerjen e parcelës për ndërtimin e shkollës.

Mehmet Ballazhi thekson:- sa i përket gjeneratorit janë procedurat që duhet të udhëhiqen po nuk guxojmë me i zhvilluar sepse nuk kemi mjete financiare, por në vitin e kaluar i kemi planifikuar 30 000 € për me ja dedikuar kompanisë “Bifurkacioni” për ujëmatësit, për shkak të mungesës së mjeteve financiare nuk kemi mundësi blerë gjeneratorin. Sa i përket listës së donatorëve ju e dini që është një grup i qytetarëve të cilët e kanë regjistruar një OJQ dhe nuk besoj që është e rrugës që listën me publikuar por ne kemi menduar që në fund të tërë procesit me pasur listën e donatorëve dhe me lënë në arkiv të asaj shkolle. Nuk e di qa është rëndësia e publikimit të asaj liste, a është për ndonjë motivim apo për najë nxitje. Ka raste që dikush ka dhënë shumë të mjeteve financiare dhe ka kërkuar që mos me ju bërë publike emri dhe shtrohet pyetja në emër të kujt me ja publikuar, ka raste që dikush i ka dhënë dhjetë euro dhe ndihet keq nëse krahasohet me shumë prej dhjetë mijë euro për atë e kemi parë të arsyeshme që në fund të kryerjes së procesit listën në lënë në arkiv të shkollës.

Resul Suma thekson:- për çështjen e gjeneratorit a ka mundësi rryma me u lidhur m pjesën e poshtme të Dimcës, ndërsa pjesa lartë është e lidhur me Neqafë dhe kur po ka erëra të forta rryma po ndërprehet. Është mirë me ua potencuar përfaqësuesve të kompanisë së “Bifurkacionit” sepse orëmatësit të cilët i kanë vendosur janë te faturuar edhe pjesën e ajrit para se me ardhur uji. Janë duke e neglizhuar sepse kur ka qenë koha e mirë i kanë vendosur nga pesë orë në ditë në vend që me i vendosur nga 20 apo tridhjetë që me u kryer procesi më shpejtë. Është një pushtet këndi i lojërave dhe është e dëmtuar dhe paraqet rrezik për fëmijët. Pyetje kemi parashtruar nga mbledhja e kaluar se pse nuk bëhen vendimet në komunën tonë dhe e kisha një rast një rast familjarë që ka kërkuar me ndërruar vendbanimin dhe zyrtari i cili është aty nuk e kryen punën.

Mehmet Ballazhi thekson:- fabrika ende nuk është e lidhur në trafon e vetë por me të Paldenicës ashtu e kanë potencuar përfaqësuesit e KEDS-it. Fatkeqësisht them që KEDS-i është shumë neglizhentë për këtë çështje sepse shumë herë e kemi thirr dhe shpesh herë ka ndodhë që nuk e kanë hapur as telefonin dhe në momentin që komunikojmë potencojnë që ka me u kryer. Nga një herë disa çështje nuk janë për Kuvend por i kuptojë politikat që bëhen. Një pushtet para ndërtesës së madhe e kemi rregulluar për këtë tjetrën nuk jam në dioni por me gjithë atë është çështje që mund të rregullohet. Sa i paketë ndërrimit të vendbanimit është çështje e mos pajtimit me koeficientin të cilin ka shërbyesi civil. Kërkesën të cilën e ka parashtruar shërbyesi civil në këtë rast ne nuk kemi mundësi me ngritur në pozitën që ai e kërkon për arsye ligjore dhe ai pretendon që ka të drejtë ne nuk i kemi mundësitë dhe nuk e kryen punën sepse pretendon që nuk e kam në domenin e përgjegjësive të mia.

Lindita Ballazhi thekson:- me pranimin e qarkoreve buxhetore është specifikuar se sa do të jetë numri i stafit për vitin 2024, që ka të bëjë me administratën komunale sektorin e shëndetësisë dhe sektorin e arsimit. Në publikimet që i kam bërë në vebfaqe ka pasur disa ndryshime në disa programe dhe nën programe. Është bërë ndryshimi i statutit të komunës muaj më përpara dhe është ndarë drejtoria e arsimit dhe është formuar drejtoria për kulturë, rini dhe sport. Drejtorisë për zhvillim ekonomik ju ka shtuar edhe turizmi. Kanë ndodhur edhe disa ndryshime të vogla edhe në staf, drejtoria për kulturë rini dhe sport është ndarë në drejtori në vete kemi bërë kërkesë në Ministri për krijimin e një programi të rinë buxhetorë që përfshinë kulturën rininë dhe sportin që në këtë drejtori duhet të ketë edhe staf që do të jetë drejtorë apo drejtoreshë, është bërë kërkesë për dy shërbyesit civil që kanë qenë në kuadër të drejtorisë për arsim kulturë rini dhe sport do të bëhet transferi në drejtorinë në të cilën i përkasin. Drejtoria për kulturë rini dhe sport do të ketë një staf prej katër pozitave.

Erblin Meliqi thekson:- bashkësia islame ka bërë kërkesë te drejtoria për shërbime publike për me i rritur shpenzimet e varrimit dhe ende nuk kanë marr përgjigje prej drejtorisë për shërbime publike dhe emergjencë. A ka shef të gjendjes civile komuna e Hanit të Elezit se komunat e tjera e kishin.

Mehmet Ballazhi thekson:- zyrtarisht me letra nuk ka shef të gjendjes civile sepse nuk ka vende të lira të caktuara dhe më herët përgjegjësitë i ka ndarë dikush tjetër dhe në bazë të përgjegjësive të punës është ajo që është. Unë e kam shikuar kontratën e punës që e ka dhe në fakt nuk ka për arsye se nuk kemi vend. Para se me ardhur në kuvend në legjislacionin e fundit është marr vendim për mi hequr shpenzimet e varrimit dhe ai vendim mund të merret për ngritje nga kuvendi i komunës sepse drejtori nuk i ngritë shpenzimet për shkak se nuk ka drejtë mi ngritë por duhet të merret vendimi duke u bazuar në mundësitë buxhetore. Kur janë bërë ndarjet buxhetore keni mundur me propozuar që me i ngritur shpenzimet për shërbimet e varrimit.

Kryesuesi thekson:- gjatë planifikimeve buxhetore kam kërkuar nga drejtoria që të parashih këtë çështje për shkak se ka qenë premtim edhe i kryetarit për me i rritur shpenzimet e varrimit për shkak se janë ngritur çmimet e shpenzimeve të tjera. Sa i përket çështjes së ndryshimit të emrit apo mbiemrit shumë herët e kam diskutuar me drejtorët që të parashihen këto gjëra për ndryshim pozite që në të ardhmen siç e kemi situatën sot që shumë shpejtë dhe lehtë i kishim rregulluar këto çështje por nuk është marr parasysh e jo rastësisht jemi në këtë gjendje ku është një çështje shumë me rëndësi sepse edhe unë kam ankesa prej qytetarëve por ndoshta dëshira është e madhe e mundësitë janë të kufizuara.

Mehmet Ballazhi thekson:- unë kam pasur vullnet te gjendja civile për me i mbështetur për me i ngritur në detyrë për shkak të volumit të punëve dhe përgjegjësisë në punë që e kanë por nuk kam pasur mundësi ligjore. Nuk është ideja pse nuk është marr parasysh por mundësitë ligjore. Ne mund të themi se na vyen edhe dy asamblastë se pesëmbëdhjetë pak po na doken dëshirën e kemi por a mundemi mi shtuar nuk mundemi ligjërisht me i shtuar dhe nëse janë 249 pozita në institucione nuk mundemi mi bërë 250. Nëse nuk ke pozicion të një shefi të gjendjes civile nuk mundemi me shpikur. Këtë çështje e kemi diskutuar disa herë sepse është lehtë me bërë vendimin por nuk është ligjore dhe nuk mund të bëjmë vendim të kundërligjshëm. Kjo çështje ka mundur më herët me u kryer sepse sa kemi ne koordinatorë të administratës, shefa të autoparkut e lloj tjerë që mos ti përmendi ka mundur me u bërë edhe një shef i zyrës më herët e jo sodë kur nuk kemi vende. Kur janë nxënë krejt vendet tjera sot kërkohet diçka e pamundur, unë nuk mundem me shpikur sepse nuk dua të merrem me gjykata.

Erblin Meliqi thekson:- edhe ne nuk jemi kundër ligjit por komunat e tjera në organogram e kanë pse Hani i Elezit nuk e ka apo pse nuk është shikuar nga fillimi sepse komunat tjera e kanë këtë pozitë dhe Hanit të Elezit i mungon kjo pozitë.

Mehmet Ballazhi thekson:- unë e sqarova më lartë sepse pozitat janë zënë dhe nuk mundemi me shpikë për shkak se nuk kemi pozitë të lirë. I kam sugjeruar shërbyesit civil që të drejtohet në këshill të pavarur dhe nëse e kthen këshilli që me shpallë një konkurs të brendshëm atëherë përgjegjësia i bien këshillit dhe e shpalli konkursin.

Zaim Bela thekson:- sipas informatave që kam stafi i pylltarisë nga viti i ardhshëm kalon me agjension pyjorë a ua kanë ndalë buxhetin për këtë çështje.

Lindita Ballazhi thekson:- gjatë hartimit të buxhetit nuk ka pasur ndonjë vendim të tillë kështu që gjithë planifikimi i stafit është bërë në kuadër të drejtorisë për Bujqësi dhe Zhvillim Rural, nëse do të ketë ndonjë ndryshim në muajt në vijim ndryshimi do të bëhet nga Ministria e Financave automatikisht në sistem.

Sherif Berisha thekson:- pse kanë probleme për çështje të printimeve nëpër shkolla dhe një lloj presioni për numër të kufizuar të printimeve. Kur është miratuar buxheti për shpenzimet e varrimit ka qenë një vijë dhe nuk ka pasur asnjë shumë dhe përgjigje kam marr se paguhen nga mallrat dhe shërbime.

Hisni Luri thekson:- më herët kemi pasur probleme për me i rregulluar printerët e vjetër të cilët i kemi pasur, kështu që së bashku me administratën e komunës kemi kontraktuar kompaninë dhe kemi paguar printimet nëpër shkolla dhe pastaj edhe komuna të vetat, mirëpo ka ardhur një faturë prej shkollës "Ilaz Thaçi" që ka arritur shumë prej 600 € dhe logjika po i bien që ne po shpenzojmë më shumë se sa me i pasur printerët tonë dhe kjo ka qenë arsyeja se pse i kemi ndërprerë kontratën të cilin e kemi pasur me kompaninë. Do të mundohemi që tash me i siguruar ngjyrat për printerët të cilët i kemi pasur.

Refet Kalisi thekson:- është e vërtetë që ka pasur pozita të shefave por janë zënë dhe a është e mundur që me bërë kompromis për me i shtuar orë tepër për mos me pësuar qytetarët.

Mehmet Ballazhi thekson:- e kuptojë vullnetin tënd por nuk është e ligjshme për një punë që e ka përgjegjësi me bërë dhe ai pretendon që ka të drejtë mos me bërë për shkak se nuk është shef i shërbimit civil dhe atë të drejtë duhet me orientuar në këshillin e pavarur. Orë shtesë i jepen dikujt që punon jashtë orarit.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka shpalli të mbyllur mbledhjen.

Ju faleminderit për pjesëmarrje.

Mbledhja përfundoi në ora 13:10.

Procesmbajtësi
Avni Bushi



Kryesuesi i Kuvendit
Florim Shkreta

